

# 1-чи сентябрь - КъМР-ни Къыраллыгыны кюню эмда Билимни кюню!

Шабат кюн, 2014 жылны 30-чу августу • № 174 (19595)

Багъасы 15 сомду



# ЗАМАН



Газета издается на балкарском языке с 1924 года

Интернет-версия: zaman.smikbr.ru

КЪАБАРТЫ-МАЛКЪАР РЕСПУБЛИКАНЫ  
ПАРЛАМЕНТИНИ ЭМ ПРАВИТЕЛЬСТВОСУНУ ГАЗЕТИ

ВРЕМЯ

ГАЗЕТА ПАРЛАМЕНТА И ПРАВИТЕЛЬСТВА  
КАБАРДИНО-БАЛКАРСКОЙ РЕСПУБЛИКИ

## Шагъырейлениу

### Жылны ахырына дери къыркъ социальный объект хайырланылырзъа берилликду

**КъМР-ни Башчысыны къуллугъун болжаллы халда толтурган Юрий Коков орта кюн Бахсан районда болганды. Ол Исламиемда Жанхотия элдеде амбулаторияны эмда Атажукинода физкультура комплексни ачылыуларыны къуанчларына къатышханды.**

Биринчиден Юрий Коков жууаплы къуллукъчула бла бирге Жанхотиягъа келгенди. Элли амбулаториясы озган ёмюрню 80-чи жылларында ишленгенди, мекам эски туйюлду, алай анга ремонт этерге керек эди да, ол тамамланганды.

арча стационар, терапевт, стоматология кабинетле, клиникалы лаборатория бардыла.

Республиканы оноучусу стоматология кабинетде болуп, жаш врач Ногъайлыланы Мустафа бла ушакъ бардырганды. Саулукъ сакълау министрство кабинетте жангы

лай бир болганын да сорганды. Мустафа айтханыча, жангы оборудование келтирилгенли приёмгъа кюннге 10-15 адам келедиле. «Креслоубз жангы болганын билгенлей, тишлери аурумагъанла да келип башлагъандыла», - дегенди Ногъайлы улу.

Мустафа бизни бла ушакъда айтханыча, стоматология станок 1986 жылдан бери алышынмаганды. «Анда ишленген бек къыйын эди. Аны кёрген адам къоркъмай кабинетте



Юрий Александрович элли таматарлары, амбулаторияда ишленгенле бла тубешгенден сора мекамны болуму бла шагъырейленгенди. Анда шагъ адамгъа кюндоуз багъ-

стоматология оборудование сатып алганды. Юрий Александрович, аны бла шагъырейленип, жаш специалист анда ишлей билгенин бла къалганын, иш хакъы къал-

кирген да этмей эди. Энди уа, не айтырзгы барды, адамла суюп келедиле», - дегенди ол.

(Ахыры 2-чи бетдеди).



### Къабарты-Малкъар Республиканы къырал сауыгалары бла сауыгалауу юсюнден Къабарты-Малкъар Республиканы Башчысыны

## УКАЗЫ

Кёп жылланы ахшы ишлегенлери ючюн

Къабарты-Малкъар Республиканы Сыйлы грамотасы бла сауыгаларгъа

КАРОВ Вадим Муаедовичи

ТУМЕНЛАНЫ Ададьбийни жашы Геннадийни – «СПИД-ге эмда жукъгъан ауруулагъа къажар кюрешни, аланы профилактикаларыны арасы» къырал бюджет саулукъ сакълау учрежденияны врачын-инфекционистин

ШИПОШИН Константин Эдуардовичи –Къабарты-Малкъар Республикада Оператив штабны оператив управлениясыны къауумуну таматасын;

сыйлы атла атаргъа:

«Къабарты-Малкъар Республиканы сыйлы врачы»

БЕРОВА Римма Борисовнагъа –«СПИД-ге эмда жукъгъан ауруулагъа къажар кюрешни, аланы профилактикаларыны арасы» къырал бюджет саулукъ сакълау учрежденияны баш врачыны багъыу иш жаны бла орунбасарына

РАХАЙЛАНЫ Магометни жашы Алике –Россей Федерацияны Урунуу эм социальный къоруулаулау министрствосуну «Къабарты-Малкъар Республикада медицина-социальный экспертизаны баш бюросу» федеральный казна учрежденияны медицина-социальный экспертиза бардырыуу врачына-составны башчысына,

«Къабарты-Малкъар Республиканы сыйлы журналисти» КЯСОВ Валерий Каншоубиевиче – «Маяк-07» газетни редакциясы» муниципал казна учрежденияны баш редакторуна,

«Къабарты-Малкъар Республиканы культураыны сыйлы къуллукъчусу»

АФАШАГОВА Зоя Ластановнагъа

ГРИДАСОВ Геннадий Васильевиче – орта профессионал билим берген «Искусстволаны Север-Кавказ къырал институтуну культура эм искусство колледжи» федеральный къырал бюджет билим беруу учрежденияны преподавателине

ТЕБЕРДИЛАНЫ Маликини кызы Мариямгъа – «Битеуроссей къырал теле эм радиоккомпания» федеральный къырал унитар предприятияны филиалыны –«Къабарты-Малкъар» къырал теле эм радиоккомпанияны операторуна,

«Къабарты-Малкъар Республиканы промышленностуну сыйлы къуллукъчусу»

БИЖОЕВ Хажмурат Хамусовиче – «Налмаз инструментлени Терк заводу» ачыкъ акционер обществону инструментлени бла алагъа кереклени цехини таматасыны орунбасарына,

Къабарты-Малкъар Республиканы халкъын жашау жумушала бла жалчытыуучу сферасыны сыйлы къуллукъчусу»

КРУТИКОВ Олег Игоревиче –Прохладный сахар округну жержерли администрациясыны башчысыны орунбасарына-ишлерини управляющисине

ШЕБЗУХОВ Хажсет Хазешовиче – «Водоконал» управляющий компания» муниципал унитар предприятияны баш инженерине,

«Къабарты-Малкъар Республиканы физкультураыны бла спортуну сыйлы къуллукъчусу»

ГОПЛАЧЕВ Тахир Ададьбиевиче – Нальчик сахар округну жержерли администрациясыны физкультура эм спорт жаны бла комитетини сабийлеге къошакъ билим берген «Сабий-жаш тёлло спорт школ» муниципал казна билим беруу учрежденияны директоруну орунбасарына, грек-рим тутушудан тренерине-преподавателине.

Къабарты-Малкъар Республиканы Башчысыны къуллугъун болжаллы халда толтурган

Ю. КОКОВ

Нальчик сахар, 2014 жылда 27-чи августда, №179-УГ





## ЭСЕПЛЕ ЧЫГЪАРЫУ

Конкурса бизни журналистлерибиз  
нек къатышмагъандыла

Полицияны ишини юсюнден фильмлени, видеоматериаллары, статьялары, репортажлары эмда социальный проектлени «Къалкъан бла къалам» деген конкурсуну эсеплери чыгъарылгъандыла. Ала бу кюнледе бардырылгъан битеуроссей видеоконференцияда туура этилгенди. Анга КъМР-де МВД-ны таматасы генерал-майор Сергей Васильев къатышханды.

Конкурсада кимле хорлагъанларын Россейни МВД-сыны къуллукъчусу, ич службаны генерал-майору Андрей Пилипчук эмда жюриени пред-

этгенди, келир жыл ала тиррек болурларына ышанганын билдиргенди. «КъМР-ни ич ишле органларында, кюч структураларында бет жарыкълы къуллукъ этген, ким да юлгю алырча адамларыбыз бек кепдюле. Аладан сора да, Уллу Ата журт урушну, Афганистанда, башха жерледе къауғаланы ветеранлары да бар. Аланы юслеринден материалла жазып, конкурса жиберирге нек жарамайды», - деп, дау этгенди.

Алай а конкурса къуру бизни журналистлерибиз угъай, саулай Север Кавказдан да бир да болмагъанча аз адам



Министр Сергей Васильев.

да къошулгъанын айтхандыла. Ол полицияны юсюнден бек иги Интернет проектди. Аны хайырындан конкурса къатышханлары саны кеп болгъанды, географиясы иги да кенгергенди.

«Къалкъан бла къалам» деген битеуроссей конкурсуну РФ-ни Ич ишле министерствосу къурагъанын эсге салабыз. Анга, асламлы информация органлада ишлегенледен сора да, жамауат биригиуле, Россейни МВД-сында эмда ич аскерледе къуллукъ этгенле, СНГ-ны къураалларыны СМИ-лери эм право низамны сакълаучу органлары келечилери да къатышыргъа боллукъдула. Хорлагъанлары сауғалау а жыл сайын 2-чи сентябрьде Иркутскеде бардырылады.

ХОЛАЛАНЫ Марзият.  
Суратланы автор алгъанды.



Видеоконференцияга къатышхан журналистле.

седатели, Москваны къырал юридический академиясыны ректору Виктор Блажеев билдиргенди.

Жарсыугъа, аланы араларында бизни журналистлерибизден бири да жокъ эди. Сергей Васильев аны ючюн республикалы басма органлада ишлегенлеге келкъалды

къатышханды. Аны юсюнден Андрей Пилипчук бла Виктор Блажеев да айтхандыла. Бу регион къауғалы болгъанына да къарамай, андан видео, газет, радиоматериалла хазна болмагъанлары бек аманды, мындан ары ол жанына эс бурургъа керекди, дегенди.

Ала быйыл жангы номинация

## КЪОШУЛУУ

## Сегиз айгъа - юч мингнге жууукъ балачыкъ

Нальчикде быйыл 1-чи январьдан башлап 27-чи августха дери 2833 сабий туугъанды. Аладан 1444-сю жашчыкъладыла, 1389-су къызчыкъла-

дыла. Быйыл эгизле да аслам туугъандыла- 46. Бир ана уа бир жолгъа юч сабий тапханды.

Республикалы Пери-



Медсестра Агнесса Хамова бла Залина Тхакахова жангы туугъан балачыкъла бла.



Перинатальный араны таматасы Гайланы Алёна.

натальный араны къагъанакъчыкъла тургъан бёлюмюню тамата медсестрасы Людмила Бжамбеева айтханга кёре, кюннге мында жыйырма-жыйырма беш сабий тууады. Бу кюнледе уа 1-чи шахар больница жабылып тургъаны бла байламлы ол кёрюмдю 30-35-ге жетгенди.

ДАЛХАТЛАНЫ Марзият.  
Суратланы автор алгъанды.

## Тапландырыу

Уллу-гитче да  
жаратырыкъдыла

Алгъаракълада Чегем шахардан Нальчикке кирген жерде жангы солуу парк салынырыгъын билдирген эдик. Ол Кавказ федеральный жолну жанында Шалушка суудан башланады.

Шёндю алайда ишле къыстау барадыла. Жюк машинала топуракъ ташыйдыла, грейдер бла бульдозер жерни тюзетгенлей турадыла. Сегиз адамдан къуралгъан бригада 970 квадрат метр жерге плитка салады.

Парк бир гектар жерни аллыкъды. Адамла жюриген жолну узунлугъу 264 метр

боллукъду. Аны эки жаны бла да назы эм туя терекчикле орнатырыкъдыла. Эки уллу, тегерек, гюлле салырча клумбала да ишленгенди. Тегерекде ариу жашыл кырдык ёсерикди. Кече жарыкъ болурча 24 чыракълары бла чигинжиле боллукъдула. Адамла олтурурча онеки узун шинтик да хазырларыкъдыла.

Сабийлеге деп энчи майданчыкъла къураллыкъдыла. Былайда ингри хауада чыгып солургъа «Стрелка» районда жашагъанлагъа бютюнда ала-мат жер къураллыкъды.

Бизни корр.

## Жандауурлукъ



## Интернатчылагъа болушхандыла

Нальчикни жер-жерли администрациясы окъуу жылны аллында, хар замандача, «Школгъа хазырланьыргъа болуш» деген жандауурлукъ акцияны бардыргъанды. Анда жыйылгъан ахчагъа биринчи номерли гимназия-интернатда сабийлеге окъуу керекле алыннгандыла.

Бу учреждениада къолайлары аз юйюрледен 180 сабий турадыла. Физкультура, спорт эм жаш тёлю управлениясыны

ишчилери алагъа къаламла, карандашла, фломастерле, дефтерле алгъандыла. Тишируланы шахар совети уа кийимле бла болушханды.

Нальчик шахар округну администрациясыны пресс-службасы.

СУРАТДА: (солдан онгнга) Управленияны башчысыны орунбасары Энейланы Лиза, гимназия-интернатны директору Балкъыз Захохова.





**Нальчикни 290-жылпыгына**

**Къабарты - Малкъарда 20-чы - 30-чу жыллада культура революция кыстау барганды. Нальчик ол жыллада битеу Шимал Кавказда оксуна алчы эди. Мында кинотеатр ишленип, театрла да къараучуну орус, запад классиклени чыгармалары бла да танышдырган эдиле.**

Къабарты-Малкъар Автоном областыда бек алгга орус труппа ишлеп башлаганды. Аны мекамны бир къауумланы эсериулерине кере. Межсоюзный клубда эди. Бир справкада уа ол Пионерлени юйонде болганды, деп окъуйбуз. Мен билгенге кере да, актёрла клубда башлагандыла ишлерин.

Ол 1936 жылда 1-чи ноябрьде В. Гусевни «Слава» деген пьесасына кере салынган

Н. Леготин бла аны аллында бирге тышген суратлары да барды. Жашланы, кызыланы бетлеринде, халлеринде болган къууанч, жангы жашауға ийнаныу бизге кечмей къалмайды.

Жарсыуға, ол къууанч келге бармаганды. Немислиле Нальчикге киргенлеринде, мекамны атдыргандыла. 1943 жылда фашистлени мындан кыстагандан сора Малкъар театр кесини ишин жангыртханды. Бир жылдан битеу да малкъарлыланы сюргоннге ашырганларында, халкъ оңоч жылны сахнадан таулу сёзюне эшитмегенди. Артха къайтып, экинчи кере аны отун жандыргандыла. Боташланы Иссаны «Таулада танг жарыйды» деген драмасын бусагъатдагы А. Шогенцуков атлы драма театрда көрюзтгендиле. Ол жыллада анда юч коллектив - малкъар, къабарты, орус труппала ишлегендиле.

1991 жылда малкъарлыла, кеслери энчи



# Театрларыбыз: къуралыу эм айныу



оюну бла ачылганды. Алай культура магъанасы болган ишге, къуру областыда угъай, битеу къыралда оксуна уллу магъана бергендиле.

Къайдан чыкъган эдиле актёрла уа, ары дери профессионал театры болмаган шахарда? Кёллени къыралны башха шахарларындан чакырган эдиле, мында самодельностьха къатышханла да болгандыла. Ала бары да биригип, жараган труппа къуралган эди.

Немислиле шахарга киргенлеринде, театры мекамны атдырып, жукъға жарамза ч этедиле. Алай Нальчикни фашистледен тазалаганлай, ол биягы ишин башлайды. Энди труппа «Победа» кинотеатрыны аллында промкооперацияны юйонне кечеде, бусагъатда ол Конструктор бюроду.

1949 жылда аны бла Къабарты театры бир мекамға жыйгандыла, энчи труппала этип. Коллектив анда жыйырма жылға жууук кечингенди. 1968 жылда бусагъатдагы Музыка театрыны мекамны берилгенде, орус актёрла ары кетгендиле. Ол жыл анга Максим Горькийни аты да аталганды. Биогоннге дери да ишин анда бардырады.

Москвада 1935-1940 жыллада ГИТИС-де малкъар, къабарты актёр студияла окъугандыла. Алай ала андан къайтычны сакълап турмай, республиканы башчылары Нальчикде миллет театрла ачарға дейдиле. Алай бла малкъар колхоз - совхоз махжеме къуралады. Аны мекамны къалайда болганы, жарсыуға, белгисизди. Ол 1939 жылда 7-чи декабрьде К. Тренёвну «Любовь Яровая» деген пьесасына кере салынган оюну бла ачылганды. Аны режиссёру Акъайланы Къасым эди.

Кёп да бармай Москвада окъуй турган студия къайтаханы себепли, биринчи театрдан фахмуланы сайлап, бир труппа къуралады. Анга ол замандагы Пионерлени юйон бериледи. Ол заманда ЛУГ-ну жанында эди, арта анда КъМКЪУ-ну медицина факультети орналганды. Ол мекамны сакъланган сыфатын сиз кёресиз. Мени архивимде Москвадан къайтхан актёрла устазлары А. Андерс эм труппаны башчысы

мекамлары болурун излеп, андан Политпросвещенияны юйонне кетгендиле. Ол бу ишге жараган мекам тойюл эди. Алай Къулийланы Къайсын атлы малкъар къырал драма театр 23 жылны анда кечинип келеди.

Къабарты колхоз - совхоз театр 1936 жылда ишлеп башлаганды. Бир къауумла айтханга кере, ала Пионерлени юйоннде орналгандыла. Профессионал актёрла Москвадан республикаға къайтхандан сора биринчини чачып, аладан бир труппа къуралганды. Ол да ишин Малкъар театр бла бир мекамда бардырганды.

1949 жылда орус эм къабарты труппала-

деген эжитомлугунда жазады. Алайды да, театр 1968 жылда 27-чи январьде ачханды къараучуга эшиклерин.

Проектни Москвадагы «Гипроттеатр» институту ишчилери Е. Ландау, Р. Гаспарян, И. Брук хазырагандыла. Къурулуш материалларын, сёз ючюн, блоклары, Армениядан, фойени башында «кюзгопени» Германиядан келтиргендиле. Залдагы шинтиклену уа Константин Касимович Ленинградда заказ этген эди. Аны акъылына кере, ала Москвадагы Кремльдеги Съездени дворецинде шинтиклекча болурға керек эдиле.



ны республиканы башчыларыны оюну бла бусагъатдагы А. Шогенцуков атлы театрға жыядыла. Сейир этерчады, бу мекамны юсонден театрланы бек тамата келечилери оксуна жукъ айталайдыла. Биогоннге дери къабартылы актёрла анда ишлеп келедиле. Орусула уа 1968 жылда жангы Музыкалы театрға кетедиле.

Музыкалы театрыны ачылыуунда, республикада Музыкалы театры болуруна да уллу къыйын салганды ол замандагы культура министр Константин Эфендиев. Ол кезиуню юсонден «Годы, события, люди»

деген эжитомлугунда жазады. Алайды да, театр 1968 жылда 27-чи январьде ачханды къараучуга эшиклерин.

Проектни Москвадагы «Гипроттеатр» институту ишчилери Е. Ландау, Р. Гаспарян, И. Брук хазырагандыла. Къурулуш материалларын, сёз ючюн, блоклары, Армениядан, фойени башында «кюзгопени» Германиядан келтиргендиле. Залдагы шинтиклену уа Константин Касимович Ленинградда заказ этген эди. Аны акъылына кере, ала Москвадагы Кремльдеги Съездени дворецинде шинтиклекча болурға керек эдиле.

Ингирде «Аминат» деген балетни көрюзтгендиле. Бир жылдан а Москвадан ГИТИС-де окъуй турган жырчыла да къайтадыла. Ала К. Листовну «Севастопольский вальс» деген опереттасына чакырадыла. Къабарты-Малкъарда балети, жырчы къаууму, хору, оркестри да болган жараган театр ишлеп башлаганы көрюнген эди.

Биз барыбыз да суйген мекам, жарсыуға, арт жыллада узакъға созулган ремонтха жабылып, артистле къыйналып турдыла. Кюз артына аны ачар мурат барды да, ол кюнню ашыгып сакълайбыз.

Башы ачыкъ театры юсонден мен биринчи кере анамдан сабийлей хапарлы болган эдим. Ол Къулбайланы Людмиланы жырлаганын анда эшитгенин айта эди. Бир талай жылдан сора мен, «Заман» газетде ишлей, РСФСР-ни халкъ артисти, булбул ауазлы жырчы бла интервью бардыра сорганымда, ол Жашил театры сахнасына 1958 жылда чыкъганын билдирген эди.

Мекам а 1957 жылда ачылганды, аны архитектору Гамлет Мосулишвилиди. Быллай көрюмдюсю болган амфитеатрла бурунгу Грецияда бла Римде тыбегендиле, арта уа башха къыраллада да ишлегендиле. Аны къурулушун бардыра, Долински бек ариу жеринден бирини табийгатын тап тышюргендиле. Архитектор, бир жукъну бузмай, кетермей, бютюн Нальчик черекни, Трек атлы кёлню, алайдагы жерни башындан энишге дери тигирек болганын да уста хайырланганды.

Сёзсюз, бу айбатлык Мосулишвилини фахмусун, жууаптылыгын көрюттеди. Аны сахнасы жарты тогъай кибик формалыды, узунлугу 18 метриди, кенлиги уа - 16. Къараучула олтурган жерле ал тизгинледен башлап кёбейе, бийикден бийик бола да бардыла. Секторланы орталарында адамла жюрюрча жолчукла да алагъа таптыкыга деп этилгендиле.

Мында кёп белгили коллективле, жырчыла къууандыргандыла бизни кеслерини концерттери бла. Арт жыллада ол республиканы байрамланы, кёп тырноу къууанч мероприятияе бардырган. Нальчикни жамауатыны бек суйген жериди. Анга алгыннгы магъанасы 2007 жылдан къайтханды, анда тынгылы ремонт ишле бардыргандан сора. Ол кезиуде, аны ал жанындан иги да кётюро, бир этажна дагыда къошхандыла.

Энди ол классикалы стильде ишленген дворецге бек келишеди. Аны акт колонналары, кёзге ариу көрюноп, керти да, театрға ушатхандыла. Бери чыракъ тартыргъа Италияны специалистери келгендиле, алай концерт оборудовани битеу регионда да жокъду.

**САРАККУЛАНЫ Асият.**  
Суратланы автор алганды.









СПОРТ УСТАЛА

# Таулагга сиймеклигин ахыр кюнлеге дери сакълаганды



Керимланы Азрет-Алийге аны таныгъанла «тауну баласы» деучо эдиле. Ол СССР-ни альпинизмден устасы, къаычлыкъ спортдан Къабарты-Малкъарны биринчи чемпиону, альпинизмден республиканы кеп кере чемпиону болганды. Таджикистанны тѣппесине чыкъгъаны ючюн алтын эм доммакъ майдалла бла саугъаланганды. 1965 жылда Элбрусну башына ёрлеген атлы отрядха таматалыкъ да ол этгенди. «Чегет» канат жолну тау-къутхарыуучу службасыны эмда эсе-

ол заманда туугъан болур эди.

Алай бла ол 1955 жылда «Уллу-Тау» лагерде альпинистни болушлукъчусу болуп ишлеп башлайды. Спортчулары аш-азыкъ, керекли оборудование бла жалчытыргъа жууаплы болганды. Алай аны жюреги къаялагга тартханлай турганды. Ол альпинизм бла кюрешип башлагъан жаш спортчула бла бирге, лекциялагга жюрюп, тау башларына ёрлеуно жорукъларына юйренеди. Бу билим анга бир жылдан керек болганды: тауда



плеу-къутхарыуучу службаны да таматасы болганды.

Азрет-Алий Бахсан аузда Жапыр-Тала деген тау элчикде туугъанды. Сюрючюле аны Адыл-Суу талада малланы кютерге биргелерине элтирге бек излегендиле. Жаланаыкъ жашчыкъ жугъутур жолчукълада жюрюрге, тиклеге ёрлерге, тегерекдеги ариулукъгга къараргга бек итингенди. Бир жол а аллай тикден кеси тышалмай къалгъан эди. Ол заманда анга болушлукъгга альпинистле келедиле. Ким биледи, бу усталыкъгга сиймеклик таулу жашчыкъны жюрегинде

коллегаларындан бирин къутхаргъанда.

«Тау тѣппеге биринчи кере ёрлегенимде, тегерекдеги табигъатны ариулукъгга, къаяланы деменигиликлери мени сейирге къалдыргъан эдиле», - деп эсгергенди ол. Туугъан журтуну айбатлыгын кѣргенинде, аны жюреги кѣрге жетгенча болганды. Ма ол заманда жаш адамланы таулагга элтирге, бийик жерлерине ёрлерге, халкъгга бу ариулукъну кѣргюзтѣп, аланы сейирге къалдырыргга сийгенине бютѣн да тыюнеди.

Алай бу муратына жетер ючюн а, анга энтта окъургга, усталыгын ёсдюрюрге

керек эди. Тау тѣппелеге отуз кере чыгъандан сора уа спорт разрядха тийишли болады. 1959 жылда Азрет-Алийни «Жантуугъан» лагерге инструкторланы битеусоюз школуна окъургга жибередиле. Аны бошагъандан сора уа «Уллу-Тау» лагерде инструктор болады. Альплагерде бек иги жашланы жыйып, къутхарыуучу отряд къуралгъанда уа Керим улуну аны къауумуна къошадыла.

Жауун, неда къар жауады, сууукъду, тийишли кийиминг жокъду, рациянгы ауурлукъгга беш килограммды, ол да, сууукъгга тѣзмей, къуруда бузулады - ма ол затлагга да къарамай, таугга кѣтюрюп, адамланы къутхар, ол сени ишчи борчунду.

Къысха заманны ичинде Азрет-Алий атын сынаулу альпинистча белгили этеди. 1960 жылда ол Битеусоюз альпиниадада Минги тауну тѣппесине биринчи жетген отрядны башчысы болганды. Ол жыл анга альпиниаданы бардыругга къатышханы ючюн КъМАСССР-ни Баш Советини Сыйлы грамотасы бериледи. 1966 жылда 18 кандидатдан «Чегет» канат жолну тау- кюруулаучу отрядыны таматасына Азрет-Алийни тийишли кѣредиле.

Кесини устазлары - альпинистле Юрий Черносливинни, Михаил Хергианини - хар заманда да жюрек жылыулукъ бла эсгеричю эди. Залийханланы Хусейни юсюнден а жюз жылдан да тууарыкъ туюлюдю аныча альпинист, деучо эди. Керим улу кеси да 300-ден аслам альпинистни юйретгенди, ол санда биринчи таулу альпинист къыз, спортну устасы Холамханланы Тамараны да.

Ол 40-дан аслам тауну тѣппесине ёрлегенди, ол санда бек къыйынладан бирине саналгъан Ушбагга да. Андан сора ол Элбрусда, Адыр-Суу-Башында, Уллу-Тау-Чанада, Тютю-Башында, башха тикледе да болганды.

Ол ахыр кюнлерине дери да жашаугга сиймеклигин, тирилигин тас этмегенди. Аны кѣзлерине къарасанг а, ол бюгюн да таугга чыгъаргга хаппа - хазыр болгганы кѣрюнѣп тура эди.

Басмагга **АБДУЛЛАХЛАНЫ Фатима** хазырлагганды.

Футбол

## Былай хорламны эрттеден кюсегендиле

«Спартак-Нальчик» бла Владикавказны «Алания» футбол клубуну тюбешулерге хар заманда да къарауулагга сейир болуучуду. Къоношу республикаланы командалары бир бирлери бла эрттеден бери эришедиле. Шимал Осетияда Футболну профессионал лигасыны тѣртюнчю турнда эки къауумну арасында

бардырылгъан кезиуло матчда да къызыу сермешле болгандыла.

Эсигизге салайыкъ, бу тюбешуе дери «Спартак» бла «Алания» Россейни тюрлю-тюрлю чемпионатларында беш кере ойнаггандыла, бизни футболчуларыбыз кеси майданларында жаланда бир кере хорлагганды-

ла, юч кере къытдырггандыла, бир жол матч тенг бошалгганды.

Спартакчылары «Алания» бла бу жолггу тюбешулерине уа «беш» белгини салыргга боллукъду. Ала къонакъбайланы 3:0 эсеп бла хорлаггандыла. Командабызда бир голну Васильев 28-чи, Гугуев а эки топну 56-чы эм 92-чи минутлада урггандыла.



ойнагганын белгилерге сиеме. Аланы артыкъда кюруулаучулары сынаулу футболчула болгганылары кѣрюнѣп тура

эди. Бизге тохтамагганылай ишлерге, сынау алыргга керекди.

**АЗРЕТЛАНЫ Хасан.**

Пресс-конференция:

**БИДЖИЛАНЫ Хасанбий,** «Спартакны» баш тренери:  
- Алггандан окъуна биле эдик, бу тюбешу тынч болмазлыгыын. Хорлагган эсек да, бош келмегенди ол жетишим. Шѣндю «Аланияны» къыйын кезиуо болгганын ангайлыбыз, аллай проблемала хар клубда, ол санда бизникинде да, бардыла. Алагга да къарамай, бу матчха тынгылы хазырлангган эдик, оюн да майданда бек къаты баргганды, футболчула бир бирлерине ал бермей кюрешигендиле. «Алания» биринчи таймны иги ойнагганды, алай ол кезиуде биз бир гол урабыз эм тюбешуно экинчи жары-

мында жашла ол берилген онгланы тап хайырланып, эсепни ючге дери керелегендиле.

**- Оюну кезиуонде «Спартак-Нальчик» бу тюбешуе иги хазырланггача кѣрюнѣнди?**

- «Аланияда» шѣндю асламысында жер-жерли футболчула жыйылггандыла. Ала кеслери да бек жашдыла. Биз бу тюбешуе дери бир-бири ызындан къауум матч бардыргганды, ол санда Новороссийскде Россейни кубуго ючюн ойнагганыбыз. Узакъ жершеде айлангганыбыз ючюн жашла арыгъан да этген болурла деген къоркъуу бар эди. Насыпха, бу тюбешуно аллында жараулары тап бар-

дыргганыбыз, аны магганысы да чыкъды.

**Артур ПАГАЕВ, «Алания» футбол клубну баш тренери:**  
**-Бу тюбешуно юсюнден не айттыргга сиеисиз?**

- Къонакълагга 3:0 эсеп бла хорлатсанг, айтыр затынг болмай къалады.

**-Майданда къаллай халатла жибергенигизни ангайлаггандан болурсуз?**

-Команданы составында жаш футболчула кѣпдюле деп, аланы сынаулары азды деп турггандан да маггана жокъду. Аз жерде да бир жангылыч жиберсек, ол билинмей къалмайды. «Спартакны» бюгюн аламат

**Майданда бу футболчула ойнаггандыла:**  
**«Спартак-Нальчик»:** Городовой, Гузь, (Михайлов 26), Науменко, Васильев, Кишев, Конов 3., (Конов А.), Гурфов, (Дышеков 64), Митин, (Беппаев 88), Ахриев, Бажев (к), (Балов 85), Гугуев.  
**«Алания»:** Тамаев, Дойати, (Цаголов 87), Качмазов, Толмасов, Дзуцев, (Царитов 40), Цораев, Маргиев, Туаев, (Кусаев 46), Гатикуев, (Дулаев 46), Бураев, (Кулов 55), Багаев.  
Сары картчакланы Багаев бла Беппай улу алггандыла.  
**Бирси команда былай ойнаггандыла:**  
Анжи-2- Терек-2 0:0, Ангушт-Потор 1:1, Астрахань-Машук-КМВ 1:2

**Кёрмюч**

# Озгъан кезиулени эсибизге сала

**Орта күн Суратлау искусстволаны музейи ара шахарыбызны администрациясы бла бирге «Нальчик. История любви» деген ат бла кёрмючге чакыргъандыла. Экспозиция аны 290-жыллыгына аталады. Мында тагъылгъан суратла, ара шахарыбызны озгъан ёмюрню аллындан башлап аны ахырына дери жашауун, аиныуун, тюрлене баргъанын кёрюзтедиле. Была «Был такой город» деген проектен алынгандыла.**

Хар кёрмючге келген залла-да кесини жюрегине жууукъ, бир ахшы эсгериюу бла байламлы жер тапмай къаллыкъ туюлдо. Парк, орамла, ме-кямла, сабийле, спортчула, студентле, къартла – бары да Нальчикни бетин, тарыхын ачыкълайдыла. Аны къалай тюрленгенени, суйгенлери-ни юсюнден айтхандыла бери чакырылгъан къонакъла да.

Нальчикни мэри Мухамед Кодзюков: «Кёпле биз шаха-рыбызны сюебиз, дейдиле. Бу пректни къурагъан жашла, къызла уа аны ишлери бла кёрюзтгендиле», – деп, барына да ыразылгъын билдиргенди. Кёп жылланы республикада культура министр болуп тургъан Константин Эфендиев, суратлагъа къарап чыгъып: «Мен къатышмай, бу ишле-ни хазна бири болмагъанды. Нальчик ариудан-ариу болуп баргъанына бырыбыз да къо-шумчулуукъ эталлыкъбыз», – деп



ахшы ишлеге кёллендиргенди. Сёзсюз, шахарыбызны къый-ын кезиулери да болгъанды, ол Уллу Ата журт уруш бла байламлы эди. Аны юсюнден а Нальчикни Урушну бла урунууну ветеранларыны союзну таматасы Абдулаланы Мустафа айтханды. Андан сора сёлеш-генле РФ-ни сыйлы художни-ги Мухадин Кишев, КЪМР-ни Художниклерини таматасы Геннадий Темижанов, башхала да шахар аланы жашауларынд-да тутхан уллу жери юсюнден билдиргендиле.

Музейни ишчилеринден бири туугъан юйюню суратын кёр-юзтдю, бирле уа устазларымы таныдым, дебиле. Манга уа артыкъда хычыуун кёрюндюле жангы къуралгъан Малкъар театры актёрлары Къара-чайда гастрольада болгъан кезиулеринде андагъы теп-

сеу ансамбль бла бирге тюш-ген эм актриса Залийханланы Тамараны къызы Жанна бла суратлары.

Дагъыда биринчи таксини жю-рютген тиширууну, колхозчула-ны, волейбол команданы субай къызлары, школга атланган сабийчилени, колхоз базарны, къурулушчуланы, орамда ат арбаны, «Победа» кинотеатры, халкъ жырчылары да кёрдюк. Хар бирини бетинде учунуу, ахшы муратла эсленедиле.

Шахарны тюрлене баргъа-нын аны орамларындан сора адамлары да ачыкълайдыла. Аланы кииймлери башхалды, суратла да, акъ – къара бола кетип, сора тюрсюнлюеге ай-ланадыла. Жашау бара, Наль-чик да жашдан жаш болады.

**САРАККУЛАНЫ Асият.**  
Суратла авторнудула.



## Буйрукъ Мардала тохташдырыу

1-чи сентябрьде Къабарты-Малкъарны Къыраллыгъыны кюнюн эм Нальчикни 290-жыл-лыгын белгилеу бла байлам-лы шахарны талай орамында машинала бла жюрюуге чек салынырыкъды.

Алай бла жамауат транс-портдан къалгъан битеу ма-шиналагъа эрттенликде сагъат тогуздан 21:00 сагъатха дери Шогенцукъ атлы проспектни Балкарская орамдан Тарчоков орамга дери кесегинде айла-нюу тохтатылады. Сора сагъат ондан ингирде сагъат алтыгъа дери Мальбахъ атлы орамны Б. Хмельницкийден Тырныауу-ская орамга дери кесегинде да жюрюуге жарарыкъ туюлдо. Белгиленген кезиуледе жолла-да болжаллы халда белгилеу бла турникетле орнатыллыкъдыла.

**УЯНАЛАНЫ Зарина.**  
Нальчик шахар округну адми-нистрациясыны пресс-службасы.

## Бийаирлу Алгъаракъдан эсепге туругъуз

31-чи августда сагъат онда Нальчик шахарны «Спартак» стадионунда итлени кёрмючю боллукъду. Ол кинолопаны Наль-чикке «Дог-Престиж» ассоциа-цияларыны болушлуклары бла бардырылады. Жюрге Ольга Гончарук (Украина) эм Наталья Бо-лашова (Краснодар) киргендиле.

Суйгенле кёрмючге хакъсыз къараяллыкъдыла. Итлени иелери алгъаракъдан эсепге турургъа керекдиле.

Ассоциацияны президентини Надежда Литвинованы айтханына кёре, алагъа кёп заявка келгенди, ол санда башха шахарладан да. «Эм узакъ жер – Магаданды. Ростовдан бла Ставропольдан да иги кесек бардыла. Къабарты-Малкъардан а заявкала азыдыла. Бизни муратыбыз итлени иелери бир кесек тири болурча этерге, сора сауғала мында къалсала сюебиз», – дегенди ол.

Соруула бла бу телефон но-мерлеге сёлеширге боллукъду: **8 (928) 079-89-96, 8 (8662) 777-928.**

**КЪМР-ни Басма эм асламлы коммуникация-ла жаны бла комитетини пресс-службасы.**

## ЭСГЕРТИУ

# Сакълыкъ хатагъа жетдирмез

1-чи сентябрьде адамла кёп жыйылган жерледе бай-рамла бла байламлы барды-рылыкъ ишлени кезиунде артыкъда сакълыкъ керекди.

Хурметли атала-анала, сабийлеригизге адамла кёп жыйылган мекаялада, май-данлада кеслерин къалай жюрютюрге керек болгъан-ларын эсгертигиз. Ала орам-да неда юлеге кирген жер-леде иесиз салынып, атылып тургъан затла къоркъуулу боллуклары унутмасынла.

Ишеклик туудургъан ал-лай зат тапсала, кёрселе, не оз да аланы катларында мобильны телефонлары бла сёлешмесинле, алагъа къоллары бла тиймесинле, неда турган жерлеринде тепдирмесинле.

Чачдыруу, атдыруу къый-ынлыкъ боллугууну юсюнден бир тюрлю хапар билген болса, право низамны сакъ-лауучу органлагъа билдир-лерин тилейбиз. Адамланы къолларында закон эркин

этмеген затла, сауут-саба, чачдырылуучу устройства болгъанларын билгенле да органлагъа айтырга уллу кёллю болмасынла. Ол тюрлю шартла тынгылы тинтил-ликдиле, адамланы къоркъу-сузлуклары жалчытууну мадарлары этилликдиле, право низамны сакълау къол-гъа алынырыкъды.

Кече-кюн да тохтаусуз иш-леген телефонла:  
КЪМР-ни Оператив штабы – **48-15-48;**

Россейни ФСБ-сыны КЪМР-де Управлениясы: **48-15-81** (ышанылулукъну телефону);

КЪМР-де МВД: **40-49-10** (дежурный бёлюм); ышанылулукъну телефону – **49-50-62;**

Россей Федерацияны След-ствие комитетини КЪМР-де Следствие управлениясы: **77-64-22** (ышанылулукъну телефону);

Россейни МЧС-ини КЪМР-де Баш управлениясы: **39-99-99** (дежурный бёлюм).

**КЪМР-де Оператив штаб.**

## Баш редактор АТТАЛАНЫ Жамал

### РЕДКОЛЛЕГИЯ:

**БЕПШАЙЛАНЫ** Муталип (баш редактору орунбасары)  
**КЪОНАКЪЛАНЫ** Хасан (баш редактору орунбасары)  
**ТОКЪЛУЛАНЫ** Борис (жууаплы секретары)  
**ТЕКУЛАНЫ** Хауа (жамауат-политика бёлюмю таматасы)  
**САРАККУЛАНЫ** Асият (культура бёлюмю таматасы)

### ТЕЛЕФОНЛА:

Редактору приёмный – **42-63-01.** Баш редактору орунбасарлары – **42-38-21, 40-04-82.** Жууаплы секретарь – **42-66-85.** Секретариат – **40-93-62.** Корректорла – **42-63-52.**

Газет Басманы эм асламлы информацияны эркиндиклерин къоруулау жаны бла Къабарты-Малкъар регион инспекцияда **1994** жылда **14**-чу июнда регистрация этилгенди.

Регистрация номер — **Н—0066.** Индекс – **51532**

Газетни басмагъа КЪМР-ни Басма эмла асламлы коммуникацияла жаны бла къырал комитетини компьютер службаы хазыр этгенди.

Газет «Тетраграф» ООО-ну типографиясында басмаланганды. Нальчик шахар, Ленин атлы проспект, **33**

Номерге графике кёре **19.00** сагъатда къол салынады. **20.00** сагъатда къол салыннганды  
**ГАЗЕТНИ НОМЕРИ ЧЫГЪАРГЪАНЛА:**

Текуланы Хауа – дежурный редактор; Кетенчиланы Зульфия – жууаплы секретарыны орунбасары; Акушуланы Феруза – **(1,2,3,4,5,6-чы бетле),** Бийчеккуланы Жаннета **(7,8,9,10,11,12-чи бетле)** – корректорла.

Тиражы 2130 экз. Заказ № **1713**

### РЕДАКЦИЯНЫ ЭМ ИЗДАТЕЛЬНИ АДРЕСИ:



**360000, Нальчик шахар, Ленин атлы проспект, 5**  
электронный почтасы: **elbor\_50@mail.ru**